

КОМСОМОЛОНЬ ВАЙГЯЛЬ

ЛИСЕНЬДИ III-це КИЗОСЬ

Мокшэрзянь ВЛКСМ-нь
обкомть и Саранскаень
горкомть газетасна

Адрессь: г. Саранск, ул. Ленина 9
телефон № 1—72.

23

ИЮНЬСТА
1936 КИЗОНЯ
67 (313)

Лисеньди ковти 12-кеть

МАССР-нь писателень правлениять омбце пленумстонза

Июньть 20-21-це шистонза Саранск ошса йотнесь МАССР-нь писателень правлениять омбце пленумоц, конань эса ванондф основной фкя кизефкс, писательхнень работаснон и сяда тов задачаснон колга.

Эряви азомс, што мекольдены кизоть пингста мокиэрзянь литературась значительнайста кассь, кода качественнай ширьде, станя и количественна. Листь светс од книгат, сборникт. позмат; Куторкинть, Левчаевть, Бебанть, Григошинть, Виардть и ст. тов.

Но однако, нят сатфксне сяшка-ва нинге йомлат сят од задачь-нень коряс, конат пугфт Мордовиянь писательхнень инголи, што синь аф максихть кодамовок права лотксемс нят васень сатфкс-нень лангса.

Меки лангт, морэфни массась эрь од шить пингста тиеньди од сяда оцю требованят Мордовиянь писательхненьди сянь инкса, штоба синь максельхть нинге сядонга цебярь произведенийт.

Пленумть работац йотась кеме большевистской критикань и самокритикань лозунгть эла. Пренияса пцтай сембе выступаюшайхне, кемоста критиковандазь правлениять работанц одукс ушеды писательхнень мархта лафча работань мольфтемать инкса, писательхнень содама шиснон касфтомаснон колга лафча работать инкса.

Станяжа сию мьяль шарфтоль кой-кона произведенийтнень калдыяв качественон шири. А тя лисеньди сянка, меской-кона писательхне афсатомшкаста работакшнест эсь произведенийснон лангса. Синь мьяльсна ульсь стама, сяда курокона сьормадомс книга и юкснезь качественать.

Косарев ялгась ленинскый комсомолонь сембесюзной X-це с'ездти ВЛКСМ-нь ЦК-ть отчетсонза корхтась:

«... Тяни положениясь юрнек полафтовсь. Кассть минь од ломаненьконь художественнай вкусна, кассть сяшкава, што лама произведенийт, конат аф пях кунара синь удовлетворяндакшнест, поль-

зовандакшнест синь йотксост признанияса,—юмафтозь тяни эсь ингольдень питнеснон. Синь невыдержали пингть пробанц.

Ужальдезь азомс, тянь аф йорайхть шарьходемс минь кой-кона ялганьке—писательхне, конат произведенийтасост, кода сьормадсь великай русской критиксь Белинскийсь, «... аш мыслянь кржалма, чувстань пламя, аш лиризма, а кда и ули тя аф ламонянь сембонь эзда, то напряженной и преувеличендаф (касффт) вийхца, кона няфневи вельф мазы фрозиологияса, кона мзярдонга аф эрьси следствиякс оцю, страдательнай и энергичнай чувствати».

Тяда меле аш кода аф азомс Петр Левчаев ялгать «Ушедкс» сборниконц колга. Тя сборниксонза кафта рассказне «Сенем сельмоня» и «Ушедкссь» сьормаффт йофсикс аф удачнайста.

Косарев ялгась ВЛКСМ-нь X-це с'ездти ЦК-ть докладсонза кортахсь: «... Кой-кона писатель и поэт ялгатнень пингть требованиязон эзда лядомасна (катк монь простинадасамазь, кда теесть тя аф приятна кулемс, но тя ули откровенна) азончнени сянь мархта, што синь сембе лама мьяль шарфнихть оцю цалковаень мельга паньцемати и кржа работайхть эсь произведенийснон качественон лангса. (Вайгяльхть: виде! Кядень цяпамат).

Синь склоннайхть сяда сидеста переиздавать эсь произведенийснон, чем сьормаднемс одт»...

Нят Косарев ялгать валонзон виде шисна кемоксневихть фактса миньге мокшэрзянь кой-кона писательхнень тяфтама «творчестваснон» мархта.

Косарев ялгась ВЛКСМ-нь X-це с'ездса корхтась: «... оцю требования, конатнень путнесазь минь од ломаненьке советской писательхнень инголи, марнек законнайхть. Нят требования, конатнень минь должны нинге сяда пях касфтомс нят ломатнень трудснонды, конатнень минь странасонок казезь тяфтама почетнай званияса, кода «человекай душань инженерхт».



Бурсина Люсясь и Воротникова Галась Саранскаень 1-це № школа са ученицат.

Васенце тонафнема кизоснон синь аделазь отличнай отметкаса. Снимкаса: кяржи ширеса Галась, видиса Люсясь ваймосихть культурань и ваймаманы паркса.

Проверочнай испытаниятне аделавсть

Июньть 20-це шистонза Саранскый райононь сембе школатнень эса аделавсть проверочнай испытаниятне. Испытаниятнень итогна улихть тийфт районнай учительской конференцияса, конац йотафтови юнтть мекольдены шинзон эзда.

Сембе сяка и тяни можна мьяргомс, испытаниятне налхксть оцю роль: лездсть сянь лихтеманцты, коданя учащайхне тонадозь киза кувалмонь программать и ся учащайхнень лия класс аф йотафтомаснонды, конатнень аф сатомшка аноклаф шисна.

Отличникне молихть лагери

Зубу. Булдыгань аф полной средней школаста отличник-пионерхне Сергей Юрась, Митин Колясь, герьса улихть сембе ширьде припионерской лагери ваймама.

Нят пионерхне и пионеркатне савсть обязательстват, што синь лавирихть пионерск. О-ан.

ОТЛИЧНИКНЕ ОРГАНИЗОВАНДАСТЬ ВЕЛОПРОБЕГ

Июньть 18-це шистонза МАССР-нь ВСФК-ть ответственной секретарец Купер ялгась тийсь инструктаж и тщательнай проверка 11-це № школаста 4 велосипедистненьди отличникненьди тонафнемаса. Шовдава равна 6 частса ульсь максф велостарт 4 велосипедистненьди Саранск—Ардатов—Саранск маршрутть эзга. Расстояние 240 километрат. Участники сембе пионерхт.

Тонафнемаса отличникне: Кози-

ков, Гринин, Герасимов, Ивенин. ВСФК-ть секретаренц Купер ялгать лемс кучсть телеграмма Ардатовста, што командась пачкодсь цебярьста, 15 частт 30 минутаста йотаф синь мархтост 120 километрат.

Пробегсь посвященный школаса испытаниятнень аделамаксонды и Ардатовса республиканской санаторнай пионерской лагерьхнень панжемасонды.

С. С.

Спасибо Сталин ялгати од Конституциять проектоц нолдамда

Мзярда мон лувине од Конституциять проектоц, монь мялезон сембе пях тусь 133 статьясь, коса азф минь социалистической родной родинанькень арелямань колга.

Мон и азыне сембеньди: Кда врагсь кармай ядема минь лангозонок, то минь сембе, кода фкя карматама арелямонза эсь социалистической родной родинанькень.

П. Кон аков.



Ичалкань МТС-са стирень тракторнай бригада. Трактористкатне нь уоткса МТС-нь директорсь Толкачев ялгась.

КОДАПТ КОМСОМОЛЕЦЬ ОБЯЗАННОСТЕНЗА

ВЛКСМ-нь члентнень и кандидатнень обязанностьна четкайста сформулировандафт. Хце с'ездса примаф комсомолонь уставть васенце разделсонза.

Мезьса синь ашихть?

„а) изучандакшнемс Марксонь-Энгельсонь-Ленинонь-Сталинонь трудон и азонкшнемс марксистско-ленинской учениять од ломанень кели массатненьди“.

ВЛКСМ-нь программась лувонд-сы обязательнайкс эрь комсомолецт политобразованиянь получамат. Од ломатненьди политграмотат тонадомс комсомолсь организовандакшни политшколат, кружокт и йотафни лия мероприятия, организавандакшнесы комсомоленень самообразованияснон и ст. тов. Эрь комсомолець обязан тонафнемс нят тонафнемань форматнень эзда фкять эса, сян эса, конац подхотит теенза развитиянь уровененц коряс. Эрь комсомолецт эзда васендакиге вешеве, штоба сон изучандакшнень вообще историять, а сембеда пях СССР-ть и Сембесоюзонь Коммунистической партиять историяснон основной моментонзон. Эрь комсомолець обязан содамс Марксонь-Энгельсонь-Ленинонь-Сталинонь основной идеяснон.

Но комсомолець аф аныцек соньц должен изучандакшнемс марксистско-ленинской теориять, но и азонкшнемс (раз'яснять) марксизмань ленинизмань идеянь афсоюзнай одломатненьди. А тьян инкса эрви, штоба эрь комсомолець политически улель сяда грамотнай лияды одломатнень коряс. Аныцек та случаяс комсомолець оправданасы комсомолонь—оцень и велен передовой, политически грамотнай трудяй од ломанень организациянь членонь эсь званиянц.

Инголи, сире уставть коряс, кандидаток примсесть социальной признаконь коряс (служащайхнень, интеллигенциять и ст. тов). Тьян независима социальной положениать эзда кандидаток примсесть сят од ломатнень, конат преданайхть партияти и советской власти, общественна активнайхть, но политически афграмотнайхть. Комсомолонь членокс тьяфтане аш кода примсесть сяс. мес комсомолсь ащи передовой, политически грамотнай советской одломанень организациакс. Кандидатской стажь и лабяф сянка, штоба анокламс одломатнень ВЛКСМ нь членокс сувамати.

Кандидатста союзонь членокс йотафтомась путф зависимостьс кандидатт мархта эсь политически афграмотнай шинц машфтомани эзда. Тья значит, што кандидатской стажень пиньгста кандидатс обязан изучандамс союзть программанц и уставонц и тонадомс политграмотат основанзон.

Комсомолець обязан:

„б) пяхькодкшнемс большевиконь партиять и комсомолть решенияснон и активна участвовандамс странть политической эряфсонза“.

Партиясь строяй коммунистической общества, ВЛКСМ-сь сочувство вандай ВКП(б)-ть программанцты и лезни теенза и советской власти ты исторической задачат пяхькодемасонза. Кодама ба участка афоль работа комсомолець, сон обязан пяхькодкшнемс кода центральнай, станя жа и местнай парт-организациятьнень решенияснон. ВЛКСМ-сь ащи ВКП(б)-ти помошниконс и резервакс. Партиясь кармай примсесть эсь рядозонза инь цебарь, сяда проверяф комсомоленень. ВКП(б) ть рядозонза сувамати синь анокламсна, проверкасна йотафневипрактической работасе.

Зэз эз эрь комсомолець обязан пяхькодкшнемс ВЛКСМ-нь

уставть ты пунктонц, штоба улемс достойнай великай честти—улемс примафокс ВКП(б)-в.

Комсомолець обязан:

„в) няфнемс трудти социалистической отношениянь пример, зоркайста ванфтомс социалистической собственности, тюремс пьянствать, хулиганствать, религиознай пред-рассудкань лядкснень, авать лангс аф товарищеской отношениянь каршес“.

Тья васендакиге значит, што эрь комсомолець должен улемс передовикок производстваса, макссес трудонь высокой производительности и сознательнай дисциплинань образец.

Кой-коса камсомолецне-активист-тне шарьхколезь тевть тьяфта: раскомсомолсь эсьтеенза главной задачкас путнесы воспитаниять, тонафнемат, сталобуть аш месь тьян занимандакшнемс социалистической стороительства участиянь кизефкснень мархта. Ся фактсь, што союзсь тьянень пиньгть занимандакшнни сембеда пях коммунистической воспитаниять мархта, йофси аф значит, што комсомолсь аф кармай ваномасянь мельгя, штоба эрь комсомолець улель передовикок заводса, колхозса, Мекелангт, минь должеттама эрь комсомолецт эзда воспитандакшнемс промышленнай и колхознай производствань стахановец, эрь комсомолець эсь примеронц мархта должен вятес эсь мельганза афсоюзнай одломатнень.

Социалистической собственно-стьсь, лиякс азомс фабрикатне, заводтне, землясь, государственнай и колхознай имуществас ащи хть советской стройти основакс. Арелякшнемс сонь, тюремс ворхнень, жуликнень каршес значит кемокснем советской стройть.

Пьянствась, хулиганствась, религиознай предрассудкатне, авати аф товарищеской отношениясь—нят уродливый явления, проклятай прошлаенъ пережиток. Синь окончательнайста уничтоженияфтомс неможет улемс и корхтамавок од ломанень, од коммунистической обществань членонь воспитандамат колга.

Комсомолець обязан:

„г) овладевандакшнемс знаниятьнень, культурань, наукать, техникаь мархта“.

Тонафнемс инь упорнайста, овладевандакшнемс наукать мархта, анокламс большевистской кадрат—минь инь васенце задачаньке.

„... Тейнек тьян важнай фкаяк тонафнемась знаниянь сембе от-рслятьнень эса, ушedomок сьормас аф содама шить и сьормас кржа содама шить машфтомастот и аделамок „научно-исследовательской тонафнемат мархта“ (А. А. Андреев).

Тонафнемс минь од ломаннеконь улихть неограниченной возможности. Тьян колга (в этом отношении) минь од ломаннеке сембеда счастливайхть сембе мирть эса. Либезонь школатнень и различнай технической кружокнень эзда сывомок и высшай учебнай заведенияньненьди модемс—сембе максф синь распоряжениязост. Эрви тонафнемс серьезнайста, глубокайста вникандакшнемс тевть сутеншты. „Всезнаиствась“ и наукати поверхностнай отношениясь аф кирьдемшкат. Тонафнемс можна аф аныцек учебнай заведенияса. Можна успех мархта и эрви тонафнемс атак пот-скс и производстваса, колхозса и ст. тов работамстонга. Коммунизмать минь аф строясась, пока аф пачьфсаськ трудящайхнень знаниянь уровенонц инженерно-технической трудонь работникнень уровенонцды модемс, лиякс

азомс, пока аф машфсаськ умственной и физической трудть йоткса различиять.

Комсомолець обязан:

„д) изучандакшнемс военной тевть, улемс обязательна преданайкс великай социалистической родинати и улемс анокок макссес инксонза сембе эсь виензон, а кда эрявксоти, и эряфонца“.

Тья ВЛКСМ-нь члентт сембеда святой и кровнай обязанностец, ибо минь родинаньке—сембе миронь трудящайхнень и угнетеннайхнень отечествасна, коммунизмань мировой очаг.

Аныцек минь странасонк трудящайхне—полноправнай хозяйит политической власти и сембе богетстватьне принадлежандайхть теест. СССР сь—единственной страна, коса коммунизмась теорияста йотафть прекраснай действительностьс. Минь странасонк навсегда машффт угнетениянь, эксплуатациянь, нищетань, безработицань и трудяй массатнень разориндама сембе ужасне. Аныцек миньценон (у нас)—свободнай трудсь, рабочайхнень и крестьянтнень культура-снон и зажиточностьснон неуклон-найста касомат. Аныцек минь страна-сонк освобожденнайхть инголи угнетандакшнеф национальностне и кемокстай народтнень дружбасна.

Штоба кемокснем Советонь странань могущевани и обороно-способностенц, комсомолецненьди и комсомолкатненьди эрви хть то-надкшнемс военной знаниятьне, улемс „ворошиловский стрелокс“, макссес ГТО нь и ГСО нь („готов к санитарной обороне“) норматне, маштомс противогать мархта поль-зовандама и ст. тов.

Нинге армияв молема инголе эрь комсомолець должен кочкамс кодама либа военной специальности и лацкас тонадомс сонь. Тьянди сембе вастса улихть возможность. „Ворошиловский всадниконь“ кру-жокне аноклахть лихой кавале-рист. Коса улихть тракторхт, авто-мобильхть—можна изучандакшнемс танкистонь специальность. Летчикт, парашютистт аноклахть аэроклуб-тне. Морятнень, лейхнень, озе-ратнень лангс можна успех мар-хта изучандакшнемс военно морской тевть. Комсомолецне обязатт кемокснемс обороннай организа-циятьнень работаснон, активна уча-ствовандамс Осавиахимть работа-сонза, лезнемс сонь работасонза, сяс мес тья виьяфнесы минь родина-ньнень мощенц.

Эсь эсот кемя волянъ, храброс-тень, социалистической отечествати безаветнай преданностень вы-работкас, презрения и ненависть трусненьди, дезертирхненьди и ро-динать изменниконзонды—тяфтапт комсомолецнень обязанностьна.

Комсомолець обязан:

„е) решительнайста тюремс ре-волюционной законность и поряд-окть нарушандаманц каршес“.

Советской закотне ладяфт сяс, штоба обеспечендамс коммунизмать сяда курокста строяманц. Касаетса ли тья хозяйственной строительст-вань кизефксненьди или финансо-вай дисциплинати, общежитиянь правилатненьди или общественной и трудящайхнень личной имущест-васнон ванфтомаснонды (сохранно-сти), государствать инголе различ-най обязательстватненьди или общественной порядкати,—Совет-ской властть сембе закононза на-правленайхть народть интересонзон ареляма, сонь процветаниянцты, конечнай счета бесклассовой со-циалистической обществать успе-шнайста строяманцты. Сяс Совет-ской властть закононзон фсякай нарушениясна ащи соньценъ наро-дть интересонзон нарушениякс. Эрь

комсомолецт виде обязанностец—ванондомс (соблюдать) сембе за-коттнень и решительнайста тюремс синь нарушандамаснон и нарушан-дайснон каршес.


Комсомолець обязан:

„ж) активна участвовандамс ком-сомольской организациять работа-сонза, аккуратна якамс комсомоль-ской пуромксненьди, курокста и точнайста пяхькодкшнемс орга-низациять заданиянзон, пачьфнемс фсякай ушедф тевть пезонза мо-лемс“.

Союзть эряфсонза и васендакиге эсь первичнай организациянц рабо-са эрь комсомолецт участвованда-мац—уставть инь важнай требова-ния. Тьяфтома, собственна говоря, аш кода улемс союзонь членокска, кда аф работамс организацияса. Вдь комсомолсь самостоятельной организация, лиякс азомс одлома-нень организация, а аф од ломат-тненьди организация. Нельзя ком-сомолти нежедьчнемс потребитель-ски, лиякс азомс аныцек вешемс сон эздонза эсь запроснень пяхь-кодемаснон (удовлетворение). Нят запроснень пяхькодемасна йотни эрь комсомолецт союзть работа-сонза активнайста участвовандаманц процесса, эсь организацияснон и целайста сембе союзть работань задачаснон активнайста обсуждан-дама процесса, эрь комсомолецт мархта кодама-либо поручениять-нень, обязанностьнень и ст. тов. пяхькодкшнемаснон пингста.

Тьян эса и ащи союзть работань важнейшай принципц, конац азо-ндкшневи внутрисоюзнай демокра-тиякс. Внутрисоюзнай эряфонь сем-бе кизефкснень свободнайста и деловойста обсуждениясна, минь работанькенъ афсатыксонзон сме-лайста критиковандамасна, вшикс ащи дисциплинась, пуромкснень и союзть руководящай органонзон решенияснон неуклоннайста, чет-кайста и курокста пяхькодкшне-масна—тяфтапт эрь комсомолецт обязанностенза.

Эрь комсомолець должен ке-моста содамс эсь обязанностензон и неуклоннайста синь пяхькод-кшнемс. Уставть инь аф оцю нару-шандамац ащи нетерпимайкс, сон может аныцек лафчептемс минь боеспособностенькенъ.



Снимкаса: Саранскаень паркса, комотнхть парашюта вышкаста

Саранскайса траурнай вечерь, конач посвященнай А. М. Горькийть куломанцты

Июнь 20-це шистонза илять 9 частста Саранскай ошень советсь и ВКП(б)-нь горкомсь кизонь театраса йотафтсь траурнай вечер Алексей Максимович Горькийть куломанц колга.

Паньжемок траурнай митингъ, Тупицын ялгась лятфтазе седи ризфонь оцю кулять, конань пачфтезе масторть келес 18-це июньста илять 6-цекс частста радиосъ. Эстаниньге ашезь сашенда верондамацевок. Кулось родной Алексей Максимович Горький.

Сембе стайхть. Музыкась моразе Бетховен траурнай маршени. Тяда меле ульсь максф вал Мокшэрзянь писателень васень пленумть лемста писателень правлениянь члентти Григошин ялгати. Григошин ялгась лятфнесы Максим Горькийть—учительть и другъ, конач оцю лезкс макссесь и мокшэрзянь писательхненди и поэттненди. Максим Горькийсь атак сизьсек афваномок, што сонь пяк ламоль тевонза особай интерес мархта шарфнесь мял-национальной литературат касоманц и кеподеманц шири, а таяконь лувкска и мокшэрзянь литературат шири. Тенек сон макссесь непосредственной лезкс, — корхтай Григошин ялгась. Максим Горький кулось, сон мархтонок аш, но сон кармай зряма минь седисонок минь памятьсонок, кода величайшай художник и учитель.

Тяда меле корхтась эрзянь писа-

тельсь Чесноков, конач лятфнезе Алексей Максимовичень мархта эсь васедеманц. „Сон азондозе, кода оцю мялса сонь васьфтезе Горький ялгась и макссь лама советт.

Меколень пили ульсь максф вал Ленинградста Саранскай саф литературань профессорти Яковлев ялгати. Сон красочнайста азондозе Максим Горькийть величайшай значениянц афаньцек минь странанькень трудяензонды, но и сембе мастор лангонь трудяйхненди. Максим Горький, кода величайшай писатель, революционер оцю правдивостьа реальнайста няфтезе рабочай движения „Мать“ произведениясонза. Максим Горький оцю вийса, атак лотсекс тюрсь мешанствать каршес.

Яковлев ялгась мекольденъ валсонза терьнесыне мокшэрзянь писательхненъ—поэттненъ и научно-литературнай работникненъ тонадомс Горькийть произведениязон.

Меколи тийсь серьгядькс мокшэрзянь сембе трудяйхненди, штоба синь мезе марьсесь, няендсть али улихть кядьсост кодамовок рукописьть и лия документт Горькийть колга, а синь могут улемс сяс) мес Горькийть родина ингольденъ Нижняй Новгородсь минь мархтонок ащи ряцок, максолезь ба научнай исслед. институту, конат кармайхть улема лятфнеманьди Алексей Максимовичъ колга.

Меликов.

Траурнай митинг

Июнь 19-це шистонза Мокшэрзянь педагогической техникумса ульсь траурнай митинг А. М. Горькаень куломанц колга.

Митингса ульсь сембе студентне и преподавательхне. Митингъ панжезе техникумъ директороц Чуркин ялгась, конач корхтась А. М. Горькаень творчестванц колга.

Тяда башка корхтась Талабаев, Лукина преподавательхне. Синь азондозь мезе макссь А. М. Горькайсь советскай пролетарскай литературати.

Митингсь кучсь телеграмма Москуву.

Г. Пивкин
Н. Атяшкин

Моску, А. М. Горькаень калмаманц колга правительственной комиссияти и советскай писателень Союзть правлениянцты

Мокшэрзянь республикань Саранск ошень Мокшэрзянь педагогической техникумъ дирекциясь и педколлективсь, партийнай и комсомольскай организациятне и сембе студенчествась пяк и пяк седи марязь явондсаськ тинь и сембе Советскай Союзонь трудяйхненъ скор

биясон пролетарскай писательть, советскай литературат вятмени А. М. Горькаень куломанц колга.

Директорсь Т. ЧУРКИН.

Преподавательхне: М. Талабаев.
А. Карабанов.
Ашаева и лият.

Траурнай митингтне

Июнь 19-це шистонза 3 частста гудоксь пачфни куля мохорочнай фабрикань рабочайхненди траурнай митингъ ушедоманц колга. Кельгема писательть куломац кандсь оцю ризнама рабочайхненди. Ломатьтненъ шудихть сельме ведьсна. Москуву кучф соболезнованиянь телеграмма. Июнь 20-це шистонза рабочайхне коллективна кулхондозь А. М. Горькайть калмаманц, конанц передавали радио вельде Краснай площадыста.

Саранскаень пенько-джутовой комбинатонь сембе цехненъ эса

йотафтф траурнай митингъ, конат посвященнайхть А. М. Горькайть памятенцты. Рабочайхне решили, штоба коллективна лувомс великай писательть „В людях“ и „Мать“ произведениязон.

Мокшэрзянь пединститутонь 3-це курсонь литературнай отделенияста студентне ламос ашесь тушенда М. Горькайть куломанц колга траурнай пуромксста. Ламоксть синь, комафнемок прясон моразь похороннай маршть, аш вихть, штоба мирендамс стака юмафксть мархта.

Траурнай митингтне районца

Июнь 19-20-це шинзон эзда Саранскай районь сембе школатненъ, клубтненъ, якстерь уженатненъ эса йотафтф траурнай митингъ и заседания, конат посвященнайхть великай писательть

А. М. Горькайть памятенцты. Школатненъ эса тиеньдф докладт Горькайть эряфонц и творчестванц колга, лувондовсть отрывкат сонь произведениязон эзда.

Рузаевкань бездельникне сязенцазь тонафнемать

Сьормас афсодама шить и сьормас кржа содама шить машфтомац Рузаевкань районца должен заньцемс пяк оцю васта сембе работася. Оцю васта должен заньцемс сяс, мес тяс сембе районца 4847 ломань аф грамотнайхть и малограмотнайхть, конатненъ эзда 2640 ломань йофсикс аф грамотнайхть. Нят цифратне ульсь 1935-це кизонь сьоксенда и пугай някотжа цифратне лядсть тачинь шити. Йотась тонафнема кизось, но тачинь эзда грамотас аф содама шить машфтоманц инкса пугай мезевос ашесь тий.

Тя ацю тевть колга мезевос ашезь тиеньде РайОНО-сь, сонь заведующаец Плигинъ и станя жа комсомолонь райкомсь, секретарсь Сорокинъ.

Видя, што йотай кизонь сьоксенда ульсь организовафт сембе районца 66 ликпунктт, кося ульсь фатяфт 1880 ломань, но и нят школат невок эсь работасон ашезь вятне. Тачинь, тунда аныцек 11 ликпунктова тийф выпуск, кося нолдаф 579 ломань.

Нят цифратне яркайста няфнесазь, што РайОНО-ть ширьде и комсомолонь райкомъ ширьде сьормас аф содама шить машфтомац ульсь кадф самотекс. Сембе работась ульсь веляфтф районь инструкторть Гаршинъ лангс. Йотась сембе тонафнемань кизось, Гаршинъ вестенге кигавок гшезе проверядакшне. Комсомолонь райкомсь тьялонь перьф эсь бюросонза нльня исьце лувонда эрявиксонди кулхондомс сьормас аф содама шить машфтоманц колга кизефксть.

Инь калдывста сьормас аф содама шить машфтоманц колга тевсь моли мокшенъ велетьненъ эзда. Морд. Пишлянь вельсоветъ эзда лувондовихть 262 аф грамотнай и малограмотнай, конатненъ эзда райкомъ и РайОНО-ть лувоманц колга ульсь „охваченнайхть“ тонафнемаса 51 ломань. И нятка сембе 51 ломань аныцек охваченнайхть, но тонафнемать синь ись тонафне. Тяс тьятама положениась сяс, мес Морд. Пишлянь вельсоветонь председателсь Надинъ и школань

директорсь Игошинась тьялонь перьф мезевос ись тиеньде. Нинь-гя сядя калдыв ся, што Надинъ и Игошинась мянь тьярс упорнайста спорайхть, што ладямс ликбезонь занятиятненъ аш кода.

Тяфтама жа положениась сьормас аф содама шить машфтоманц колга Сузьярьса и Шишкееваса. Сузьярьса 248 аф грамотнай и малограмотнай, конатненъ эзда лувондсть „охваченнайста“ 53 ломатъ.

Ульсь али аш возможность ладямс тонафнемать нят велетьненъ эзда? Конешна ульсь. Тевсь тоса, што и велень советтне и комсомольскай организациятне мезевос ись тиеньде. Морд. Пишлянь комсоргсь Кузнецовсь и Шишкеевань комсоргсь Мартышинъ нльня аф содасазь мзяра синь велесост сьормас аф содай и сьормас кржа содай од ломаньда. Минь аф корхтатама ни тонафнемать ладяманц колга, конань колга Кузнецовсь и Мартышинъ мезевос ись тиеньде.

Минь ниньге весть лятфнесась, што тя безобразнай тевти виноватт комсомолонь райкомсь и РайОНО-сь. Синь тонафнемань сембе тевть нолдазь самотекс.

Нльня тачинь, мзярда ВКП(б)-нь обкомсь йотафць совещание сьормас аф содама шить машфтоманц колга, Рузаевкань районца, и райисполкомсь, и РайОНО-сь и комсомолонь райкомсь мезевос аф тиеньдихть. Комсомолонь райкомонь секретарть васц лядсь работам Шубуренковсь, конач тьята жа аф лувонцы эрявиксонди занимадакшнемс сьормас аф содама шить машфтоманц мархта. Шубуренковсь, пажалай, курок максы распоряжения, цебарьста сьормады директива, но аф кельксы кярмодемс тачинь тевть организоваданцты. Нинь-гя тьяда калдыв ся, што Шубуренковъ потмос кемоста сузась ся, што кизонда аш кода йотафтомс тонафнемань тевть велеса и тя настроениась пачкодкшни первичнай организациятненди. Рузаевкань комсомолонь райкомти эряви куроконя полафтомс тя настроения и кярмодемс сьормас аф содама и сьормас кржа содама шить машфтоманцты.

Ларионов.

Обсуждадакшнесазь од Конституциять проектонц

Саранскай районь сембе колхосненъ эса од Конституциять проектонц кочксемат терьни небылай подьем и од волна социалистической соревнованияса.

„Пролетарий“ колхозста комсомолечне марстонь пуромксса обсудили СССР-нь од Конституциять проектонц и полностью лувозь сонь цебарьненди.

Фролов Василий эсь выступлениязонза азозе: Фкявок странаса аш и ашель тьятама подлиннай демократизма, кодама миньцонк.

Капиталистонь масторга Конституциясь максси свобода аныцек козятненди, лиякс мярьгомс сязтненди, конат эряйхть чужой трудса.

А миньценонк гражданствань праваса пользовандайхть сембе трудяйхне.

Минь счастливайхтяма ломаттне, счастливой мода лангса.

И тя счастливой эряфть ингса—великай благодарность Сталин ялгати, партияти и правительствати.

Комсомольскай работась катф тьялоньди

Шайгав. С Теризморгань первичнай комсомольскай организациясь эсь работанц тачинь пиньгъ кадозе тьялоньди.

Тачинь аф пуропневихть комсомольскай пуромксста, политзанятият станя жа аф йотафневихть. Комсомолечне мезевос аф лувондохть, аф газетат, аф журналхт, аф художественнай литература. Культурно-массовой работась тьятажа кадф тьялоньди. А тачинь... комсомолечненъ

ди, „аш пиньге“ работамс организациясь, синь работайхть колхозса—корхтай комсоргсь Кержаев.

Кержаев тачинь пингъ юкстазень эсь комсомолечензонга.

Тачинь эзда няеви, што Теризморгань первичнай комсомольскай организациясь ашезень шарьхкодъ комсомолонь X-це с'ездъ решениязон, а кда шарьхкодезень то аф йорай синь йотафтомост эряфс.

Имдин.

Сьормас афсодайхненъ тонафнемасна юкстаф

Зубу. Булдыганъ вельсоветса сьормас аф содай и сьормас кржа содай ломатьтненъ тонафнемаснон юкстаф и кивок тя тевтъ мельга аф ваны, аф вельсоветсъ (председательсь Кочетковсь), аф колхознон правлениясь (председательсь Скворцовсь).

Булдыгаса од ломатьтненъ йоткса лама сьормас аф содайда и сьормас кржа содайда, но синь тонафтомост кивок аф арьсекшни, комсомольской организациясь тяфта жа тя кизефксть йотнесы вакса. Велеса ули штатнай работников сьормас афсодаматъ машфтоманц колга—Ватанинцъ, конац лоткас работамда нингя апрельста и тяниень пинкс занятия аф йотафневихтъ. Ватанин старандай аныцек сянка, штоба аккуратнайста максселезь зарплатанц.

Ватанинцъ работай сезоннайста. Сьормас афсодай ломатьтне ламоксть сонъ кизефнезь тонафнематъ колга, но сонъ ответоц ульсь проксфкя: „тонафнема карматама сьоксенда ды тялонда, а тяни..“

Булдыгаса нинге сьормас афсодайда 400 ломань, и сьормас кржа содайда 140 ломатъ и синь ащи хть апак тонафнек.

А партиять и правительствать решенияснон коряс сьормас аф содамасъ и сьормас кржа содамасъ минь Советской Союзсонок эрви машфтомс 1936-37 кизотненъ эзда. А кда тяфта кармайхть работама Булдыганъ руководителхне, эста партиять и правительствать решениясна аф пашкодеви.

Эрви маластонъ шитненъ эздакига большевисткайста кярмодемс тя тевти.

О.—Н.

Касы футбольнай командатненъ лувкссна

Йотай кизоня Саранскайса ульсь аныцек кафта футбольнай командат: Облпрофсоветоннесъ и Динаманнесъ.

Тяниень пингтъ футбольнай командатненъ лувкссна кассъ 7. Тяни организовандафт футбольнай командат: Динамаса, „Спартак“ общесваса, рабфакса, ВКСХШ-са, и военведса, и тяда башка ня шитненъ

организовандафт футбольнай команда пенькоджутовой комбинатса. И тяда башка организовандафт кафта детскай футбольнай командат. 11-це и 12-це № школатненъ эзда. И сембе футбольнай командатне наряджафти обеспечендафт майкаса, труссса и бутцаса.

А.



„Мы из Кронштадта“ фильмаста кадр.

ФУТБОЛ

5:1

Саранск. Июнтъ 20-це шистонза. Пингъсь нежедькшни 5 частти. Городской стадиону кармась молема ломатьтне. Стадиону сувсихтъ рабфаконъ и ВКСХШ-нь футбольнай командатне.

Судьясь Михайлов ялгась арьс футбольнай площадкатъ кучкась и максъ свисток. Инголи ласьки ВКСХШ-нь футбольнай командатъ, мельгаф рабфаконнеси.

Налхкомасъ ушедь. С-х школанъ футболисттненъ коряс рабфаконъ футболисттне налхкихтъ сяда энергичнайста. Налхкомасъ моли с-х школанъ футбольнай командатъ вортанзон вакса. Васенце голтъ рабфаковецне панцесазъ „противникснон“ вортаснон пачк. Аф ла-

мос ащезъ рабфаковецне нингя панцихтъ фкя гол.

Аф лама пингта меле с-х, школанъ футболисттне панцесазъ 1-це голтъ рабфаконъ футболисттненъ вортаснон пачк. Васенце каф таймсъ аделавсь 3-1 рабфаковецненъ пользас.

Перерывда меле футболисттне тага футбольнай площадкасот. Налхкомасъ моли с-х ш. футбольнай командатъ вортанзон вакса. Омбоце кафтаймста рабфаковецне панцихтъ нинге кафта голхтъ „противникснонды. Налхкомасъ аделавсь 5:1 рабфаконъ командатъ пользас.

К.—й.



СНИМКАСА; Саранскаенъ музыкально-драматической техникумса народнай инструментонъ отделенияста отличник студенттне.

Июнтъ 19-це шистонза солнечнай затмениясь Саранскайса

Шовдавакига менельсь мани. Видимостъ пяк цебарь. Аныцек ичикизе сероватай дымкась горизонттъ вельксса афламняда вельхнесы ичикизденъ вирить. Воздухса полнай тишина. Качамсь трубатненъ эзда кепси пряма виденяста вяр.

Мокшэрзанъ педтехникумтъ усадъ басонза метеорологической площадкатъ малав затменияда инголе пу ромсть студентт и педагогт, конат варчсезъ синьценъ мархтост каптиндаф гленияснон и фото негативснон.

Ровно 6 частт 14 минутаста вярденъ види ужесонза солнечнай дисктъ кармась няевома оржа (зазубрина). Затмениясь ушедь. Затмениянь ваныхненъ мялсна шарффтф шить ланкс. Саворня валгонцъ (наступала) сильфъ шить ланкс. Валда солнечнай дисксъ саворня ймлагодкшнесъ, арамок тарвазкс. Сильфне модать ланкса кармась улема сяда слабайхтъ, арьс палековъ похожайкс. Модать лангоц, крышатне и стенатне—сембе прирочасъ примасъ кодама-бди серо свинцовай афламняда тужакс ащи колорит. Няеви, наступают сумеркне. Модать ланкса марявсь начка воздукъ тягац Тишетъ ланкс появастъ расанъ аф оцю путерьксат. Воздукъ кармась кельмея. 7 частт 15 м. солнечнай дискитъ эзда 80 процент ульсь вельхтйф сильфса. Тяйнена валда тарвазъ оржа пензон мархта, шаромок часовой стрелкатъ коряс, шарондъ дисктъ вяр-

де ширезонза.

Тарвазъ види, ширденъ вярдепек нолневсь (опускался), а кяржисъ кепсесъ.

7 ч. 20 м. сильфсъ кармась йотама дистъ кяржи ширденъ алуда крайти.

Температурасъ воздухса и почваса затмениять ушедомста ульсь высокой. 6 ч. 15 м. воздухса ульсь 16,4°, почватъ поверхностьса 14,6°. 15 минутанъ пингста сон нинге кепсесъ, но ушедомок 6 ч. 45 м. кармась прама, и затмениять инь оцю фазастонза—7 ч. 15 м. термометрсъ воздухса няфнесъ 15°, а почватъ ланкса 12,8°, сяка пингтъ кода обычной шитьтненъ эзда 6 частса воздукъ и почватъ температурасна вишкста касы.

8 ч. 20 м. сильфонъ китьксаясь дисктъ кяржи алудонъ ширестонза заколебалась и юмафть. Шисъ примасъ обычной вид. Затмениясь таргавсь 2 частт 6 минутат. Инь оцю Шовдалгодомасъ ульсь 7 частста сявсомок 7 ч. 25 минутати модемс. Тя промежутокста кармась кужорьма атякшне, стрижтне валгстъ пяк алу, кармась лиеньдема ласточкатне. крышатненъ вельксса лийсть грацне. Саворне лийсь шуфттъ ланкста удома вастста корожь. Нарвайсь прдазень эсь лефксонзон пачанзон алу, а тоса сявзоень синь пизозонза, но 15 минутада мелемеки мольсь панжав кавозьтъ шу-вондома.

И. Поляков.

Интереснай ульсь затмениясь

Июнтъ 19-це шистонза. Шовдава рана-рана нингя рабфаконъ саднясь, физкультурнай площадкас пашкодъсь ломаньда. Тяса няят студентт рабфакста, ВКСХШ-ста, рабфаконъ преподавателхне, синь авасна, шабасна и сембе семьянек вантсть солнечнай затмениять эса.

Сембе затменияда инголе каптиндасть эстиест кланцекенят, конац аноклась аф кондясти фотопластинкат сянка, штоба цебарьста ваномс шить ланкс и цебарьняста няемс тя интереснай природнай явлениять.

Пингъсь нежедькшни 6 часттъ малас. Наблюдательхне сембе анокт Аф лама пингта меле шить фкя ширец кармась маштома. Наблюдательхне марясазъ /пряснон аф обыкновеннайста, кода бди сембе весялат рисовандакшнесазъ шить дисконш. Студенттненъ эзда фотограф снимандакшнесы шить лама пластинкава.

7 частста сявсомок модать лангоц кармась шовдалгада. Ся пинггева ламац студенттненъ эзда пу ромсть садня и тоса ванцтъ ратениятьненъ, шуфттненъ и наско-

майхненъ мельга. Пяк интереснайса, што самай тя пинггева ашельварманъ пяльксавок, нльне шуфта лопатневок ащезъ тара, тя пинггева акациять од отростканьзон нежнай лопанятне алуда кармась шерьхкома (калышутся). Тяска жа йоткова кармась морама соловей, кармась пешкочнема грацне, ащезъ лотксе чильнямда кирьхксневок (воробьи).

Тяфта пяк оцю интерес и внимание мархта рабфаконъ студентне и преподавателхне ванондозъ 2 частта лама пингта меле тя интереснай природнай явлениять.

А. К.

Нюрхкяняста

Шайгованъ и Темникованъ райононъ колхозне сибосовандасть (озеранъ, болотанъ и кочкф тишет) —128 тоннат.

Темникованъ районъ васеньцесъ республика-а ушедь тишень лядема. Лядъсь ни 41 гектархт.

Отв. редакторъ полафтыед И. Е. КАЗАРИН

Уполномоченный главлитс № Д-786. Заказ № 2123. Тираж 2172. Саранск типография „Красный Октябрь“ Мордгиза